





白雪樓詩集卷六

七言律

送趙戶部出守淮陽

仙郎起草漢明光。幾載軍儲事朔方。五馬新爲  
淮海郡。三臺舊署度支章。行車麥秀隨春雨。卧  
閣花深對夕陽。時憶上林詞賦客。鴻書遙下楚  
雲長。

崔駙馬山池燕集得無字

主家池館帝城隅。上客相如漢大夫。十里芙蓉



迎劍鳥一樽風雨對江湖橋邊取石鯨飛動臺  
上吹簫鳳有無向夕不堪車馬散朱門空鎖月  
明孤

送彰德陳使君迎侍浙中

帝里初分郡檄回便迎青鳥建章臺東方千騎  
風雲下南國雙帆河嶽來公子西園池上燕使  
君秋憲府中才鄴天露冕行春日更許何人托  
乘陪

送郭子坤下第還濟南

華省栖遲白髮新因憐失意轉憐春樽前病起  
逢寒食客裏花開別故人賦就自堪生顧眄才  
高豈合老風塵燕臺郭隗君家事不擬驂騑不  
致身

送王郎守安慶

花滿胡姬春酒樓使君五馬五驂騑明光起草  
推高第三十專城領上游天柱西縣江漢影海  
門東控帝玉州到來紆畫思同舍萬里風煙白  
雁秋



送豐城杜少府謫滇南

共惜投荒萬里天。當朝起草事空傳。主恩綠鬢  
神仙尉。客夢青雲侍從年。盤水秋帆開瘴癘。黔  
陽春樹隔風烟。孤臣自有豐城劍。遙夜思家向  
斗邊。

酬谷明府見寄

清時詞客滿公車。獨向漂零嘆不如。老去已拚  
常縱酒。秋來何意爲裁書。薄遊更自淹華省。多  
病惟堪返敝廬。共道子雲長筆札。知君近日五

侯踈

秋前一日同元美茂秦吳峻伯徐汝思集  
城南樓

萬里銀河接御溝。千門夜色映南樓。城頭客醉  
燕山月。笛裏寒生薊北秋。胡地帛書鴻雁動。漢  
宮紈扇婕妤愁。西風明日吹雙鬢。且逐飛蓬賦  
遠遊。

送孫郎中守承天

鬱葱佳氣漢江邊。今上龍飛北極年。過幸沛



白雲樓詩集卷六  
宮三日飲。裁留郢曲大風篇。仙郎珂散蓬萊月。  
太守帷開橘柚天。明到爲存湯沐邑。須知父老  
借才賢。

劉員外家宸翰樓

君家司寇此樓居。奕葉承恩片帖餘。帝自經  
筵傳翰墨人。從冊府見圖書。雲煙繞檻生春色。  
牛斗開函散楚墟。弦誦只今諸弟滿。韋賢相業  
好誰如。

送劉員外使黔中

牂牁萬里越王臺。北眺中原秋色來。江嶂忽分  
三楚斷。海天不盡百蠻開。白雲使者乘輅過。金  
馬祠官擁節廻。爲泛昆明誇上苑。令知漢主自  
雄才。

送大司寇顧公之金陵

聞道銅標護百蠻。當朝共擬伏波還。來持滇海  
中丞節。入領西曹法從班。曳履青雲高北斗。廻  
車秋色照鍾山。顧期門客江城滿。草奏時時達  
漢關。



送皇甫別駕往開州

銜杯昨日夏雲過。愁向燕山送玉珂。吳下詩名  
諸弟少。天涯宦跡左遷多。人家夜雨黎陽樹。客  
渡秋風瓠子河。自有昌虔乃可贈。開州別駕豈  
蹉跎。

送瑞安劉明府

劉楨詞賦不群才。百里新承漢寵廻。吳地青山  
飛鳥下。大江秋雨挂帆來。白雲堪贈神明宰。海  
色遙臨睥睨開。到日自逢花滿縣。更憐春樹接

天台

送許元復還姑蘇

薊門鴻雁滿高秋。張翰思家罷遠遊。入洛故人  
名下士。度江寒夢雨邊舟。客來白髮誰相憶。賦  
就黃花不可留。興發鱸魚堪自釣。吳楓搖落未  
須愁。

署中有憶江南梅花者因以為賦

欲問梅花上苑遲。座中南客重相思。開簾署有  
青山色。對酒人如白雪枝。驛使書來春不見。仙



郎夢斷月應知偏驚直北多烽火昨夜關山笛裏吹

與茂秦金山寺亭上望西湖

孤亭遙上翠微重檻外空林何處鐘秋到諸天  
開簷蔔湖連雙闕散芙蓉雲光忽落龜鼉窟雨  
色飛來鸞鷲峯自信登臨能作賦肯令陶謝不  
相從

送汪伯陽出守慶陽

中原萬騎卻胡兵客領銅符塞上行大漢清秋  
迷隴樹黃河落日見秦城邠人自美西羗俗漢  
守誰高北地名郡吏可能無薦達還令介子乞  
長纓

送黃侍御按滇中

去矣乘風瘴癘開西南萬里壯遊哉登臺越嶺  
山形合攬轡昆明秋色來周禮職方天外盡漢  
臣封事日邊廻征蠻幕府今凋落安得樓船下  
瀨水

送包大中長蘆知事



九河水。流何濺濺。君去春花。車馬前入幕。官僚  
清宴夕。揮毫渤海。白雲天。相將牛酒。勞從事。未  
少魚鹽。給俸錢。此去陸沉。無不可。于今薊北。靜  
烽煙。

除夕

幾年仙省白雲間。此夕歸心醉裏閒。九塞烽煙  
連北極。千門雪色照西山。還知傲吏能違俗。未  
擬浮名好駐顏。長孺淮陽今不薄。春花或恐滯  
燕關。

元日早朝

禁城春色引朝天。接跡夔龍近法筵。雲裏金莖  
通御氣。宮中玉樹隱祈年。西山亭障遙臨薊。朔  
漠旌旗滿護燕。聞道至尊歌白雪。小臣還獻郢  
人篇。

早春得汝思蜀中書

萬里誰傳錦字迴。楚天搖落正堪哀。揚舠巫峽  
江聲合。立馬岷峨雪色來。西極使星遙入部。中  
原人日好登臺。莫言豺獫誇胡後。不數楊雄作



賦才

送惲員外按察郢中

醉擁驪駒不可留送君花發鳳凰樓青春開府  
西陵色到日登臺北雁愁寒雨遠分荆楚望白  
雲無盡漢江流共知人世悲難合儻得隋珠莫  
暗投

初春元美席上贈茂秦得關字

鳳城楊柳又堪攀謝眺西園未擬還客久高吟  
生白髮春來歸夢滿青山明時抱病風塵下短  
褐論交天地間聞道鹿門妻子在祇今詞賦且  
燕關

送大中丞王文赴山東

天下軍儲飛輓來中原胡虜戰爭回漢柱舊題  
驟馬使名家接武佩刀才按章時拂風塵入憲  
府秋臨海岱開主恩偏憶嚴城日什二東秦保  
障哉

荅宗考功齋居見贈

金莖夜擢建章高漢主祈年祀事勞仙吏詩投



青玉案。故人秋卧白雲曹。此生湖海供多病。何物風塵抵濁醪。中散近來踈嬾甚。更無書札到山濤。

呈大司寇何公

漢臣常氏有玄成。舊德中朝曳履聲。督部曾持滄海節。總戎親破綠林兵。重瞻執法臨天座。自失流言荷帝情。千載雲蒸龍變日。更期文劍署高名。

再呈何公

幾年開府漢中丞。去後功名何武稱。荆楚軍儲遮海過。潢池兵氣向秋澄。尚書北斗天喉舌。司寇西曹帝股肱。耆舊即今推濟美。清朝劍履坐相仍。

春夜同元美子與子相過公實

西山落日照金莖。北闕春陰覆禁城。湖海百年今夜酒。風塵五子異時情。和來白雪俱高唱。自附青雲起大名。不獨諸郎關象緯。真人應更爲東行。



送萬言卿明府之長興

逐虜將軍度漠回。黃金猶自滿燕臺。請纓慙我  
為齊客。製錦多君更楚材。城上春雲天日出。簾  
前秋色太湖來。弦歌暇日能相憶。花裏新詩過  
雁裁。

送范敬甫之閩中

共看驄馬使君賢。開府東南日月偏。海嶠秋陰  
分越樹。人家雨色散閩天。朝廷記憶江城久。  
詞賦知名水部前。還擬主恩頭白裏。時危相贈

祖生鞭

五日同子與子相過公實時公實在告

空堂隱映石榴殷。花裏幽期白晝閒。染翰風雲  
隨上客。開樽雷雨過西山。賦成敢避能驚座。酒  
罷何妨善閉關。况值懷沙千古怨。那堪騎馬獨  
醒還。

韋氏池亭同元美子與子相賦四首

貫酒新豐解佩刀。相逢意氣為君豪。孤亭晝敞  
杉松色。亂石青含薜荔高。自向風塵偏勝蹟。豈



自雲樓詩集卷六  
十一  
令湖海傲吾曹。從他桂樹山中發。招隱何勞更  
反騷。

華髮文章愧不工。獨憐諸子調相同。西京矯矯  
多竒氣。東海泱泱自大風。三署仙郎携酒後。一  
時詞客此亭中。白雲寥廓迷幽蘄。騶衍談天碣  
石宮。

幽亭斜日亂松聲。下有滄浪可濯纓。求友花間  
黃鳥出。垂天城上夏雲生。梁園作賦千年事。河  
朔銜杯萬古情。莫恨風流吾輩晚。鄒陽袁紹漢

名

○  
韋曲高臨漢苑開。城南紫宸回。閉門流水  
花間過。倚檻青山席上來。容難似矜能避世。子  
虛誰見不憐才。若論承寵無先後。安得吾曹共  
酒杯。

送張元諭虞部謫常州別駕

賦就黃花別季鷹。還從遷謫問飛騰。縣知漢柱  
名當藉。况復虔刀事可馮。寒雨大江臨楚望。千  
家秋色暗毘陵。闔閭城外逢搖落。何限吳山客。



裏登。

送吳人陸之箕

客有登臺賦遠遊。薊門金盡坐高秋。總憐岐路無知己。不向風塵爲白頭。木落毘陵看過雁。月明張翰倚扁舟。未將簪紱論多病。草色姑蘇到自愁。

送李司封謫廣陵

明光起草羨青春。服藥求仙笑此身。白首雲霄薦士黃金湖海未逢人。廣陵鴻雁來秋色。寒

雨江楓度逐臣。見說故園湘水上。嬾將詞賦吊靈均。

送王侍御

看君繡斧秣陵迴。烏府遙應接鳳臺。寒雨鍾山千木下。白雲秋色大江來。時危攬轡中原出。日近封章北極開。當道狐狸何足問。邊城今有郅都才。

同元美子與子相公實分賦懷太山待鍾  
字東順甫。



域內名山有岱宗。側身東望一相從。河流曉挂  
天門樹。海色秋高日。觀峯金篋何人探。漢策白  
雲千載護。秦封向來信。宿藤蘿外。杖底西風萬  
壑鍾。

同子與登湖上臺

大漠蒼蒼鴻雁迴。中原極目思悠哉。白雲雙闕  
湖邊出。落日西山樹杪來。詞客百年相對酒。秋  
陰萬里共登臺。側身戎馬過邊地。城柝朝聞角  
暮哀。

十五夜子與明卿見過

日落青梧白露生。倦遊詞客鳳凰城。下門過雁  
來秋色。萬里銜杯對月明。上苑寒高金狄掌。西  
山影靜羽林兵。解顏今夕無烽火。二妙何當罷  
請纓。

同徐吳二子弘法寺臺眺望

搖落偏驚祗樹林。白雲鴻雁亦蕭森。何知潘鬢  
淹郎署。但許燕山壯客心。欲雨諸陵來朔氣。西  
風千里動秋陰。悲哉聯壁登高賦。徒倚荒臺見



古今

送大司寇應公歸台州  
搖落黃金駿馬臺。都門供帳亦賢哉。炎荒想見乘輅出。北斗旋聽曳履回。秋色白雲生海嶠。主恩華髮卧天台。西曹官屬銜知遇。東閣清時好再開。

送殷正甫

并引

正甫檢討有河洛之役。蓋濟南諸君子出餞焉。是行也。問誰治祖。則廷尉史張嵐氏問誰相禮。則大司農官屬洪遇伯時問誰贊事。則許殿卿邦才將試於大宗伯至也。正甫則稱使臣哉。齊魯於文學。其天性即今日里黨。可謂多賢司馬長卿。自漢庭遊梁。鄒陽枚叔間相得。驩甚也。乃比部李生以贈言。

中州一望氣雄哉。北極風塵使節開。卜洛自存宗社計。遊梁更見長卿才。春晴嵩少雲邊出。雪盡黃河天上來。在昔孝王誇授簡。何當置酒向平臺。



徐子與席懷梁公實

共指金莖雪色間。鳴珂當日滿朝班。即看徐孺能縣榻。豈謂梁鴻更出關。薄宦天涯成白首。故人江上買青山。嶺南梅樹今堪折。贈我寧無驛使還。

懷子相

薊門秋杪送仙槎。此日開樽感歲華。臥病山中生桂樹。懷人江上落梅花。春來鴻雁書千里。夜色樓臺雪萬家。南粵東吳還獨往。應憐薄宦滯

天涯

朝退同子與。望西山。霽雪懷南海。梁公實。廣陵宗子相。

騎省秋來歎二毛。還將白雪向君操。千峯曙色開金掌。並馬寒光照錦袍。空翠欲浮仙闕動。晴雲猶傍帝城高。初疑大庾梅花發。忽憶揚州八月濤。

歲晚贈子與

南國鴻書杳不聞。相看梅發尚離群。天涯薄宦



白雲樓詩集卷六  
堪知我世上虛名好誤君。杪歲西山逢雨雪，懷  
人漢苑見春雲。往時載酒揚雄宅，諸子談經坐  
夜分。

人日與伯承集子與宅得胡字

新知握手鳳城隅，莫嘆春來滯宦途。萬里風煙  
人日過，十年江海客星孤。漢宮戴勝傳王母，薊  
北登高愧大夫。曾是舊游行樂處，解貂同醉酒  
家胡。

張駕部宅梅花

仙郎雪後建章迴，清夜西堂擁上才。笛裏春愁  
燕塞滿，梁間月色漢宮來。即看芳樹催顏鬢，莫  
厭寒花對酒杯。共憶故人江北望，因君罷賦倚  
徘徊。

宣武門眺望

白雲千里接胡天，雙闕遙臨碣石縣。漢苑春生  
多雨雪，薊門晴色滿寒煙。五陵佳氣蓬萊外，大  
漠青山睥睨前。夙昔黃金收駿馬，高臺空在有  
誰憐。



送范大澈

十載風塵道路難。天涯金盞俗相看。自憐華髮  
馮唐老。誰問綈袍范叔寒。病起清樽開雨雪。歸  
來春草徧長安。故人海上悲搖落。擬共秋濤把  
釣竿。

葛丈山房

少宰山房北海隈。千林窈窕白雲開。倚窓河勢  
鉤盤出。拂檻秋陰碣石來。魯國諸生紛受易。漢  
庭多士滿題才。臨流重憶乘槎客。濯足還登萬

里臺

寄子與

薊門春散紫宸班。千里襜帷動客顏。秋到白雲  
生漢署。雨來寒色滿燕山。仙郎書札遙相憶。傲  
吏風塵且未還。天上即今看舊好。誰憐曼倩謫  
人間。

寄吳舍人蕪呈徐子與

薊門春酒別同袍。念我風塵解佩刀。楚客久無  
鸚鵡賦。舍人殊有鳳凰毛。書來月色漳河滿。北



望秋陰漢闕高行矣。舊遊還自愛。偉長今在白雲曹。

寄正叔

十年裘馬向飄零。一郡風塵出漢庭。塞北風煙春浩浩。薊門山色樹冥冥。懷人西署秋雲白。對酒踈燈夜雨青。莫道楊雄長寂寞。桓譚已見太玄經。

趙州贈許使君

山雨蕭蕭曙色過。異鄉携手問蹉跎。豈緣知己朝廷少。自是詞臣岳牧多。宋子城高臨大陸。漢王臺迥出滹沱。風塵行役君須見。能得花前不醉歌。

送譙比部還順慶

歸去嘉陵江上春。檐帷不復厭風塵。巴山漸出雲連楚。劍閣迴看雪照秦。歲晚江湖多病跡。時危裘馬倦游人。明光起草君無薄。漢主恩深侍從臣。

送申職方還魏縣



山中春色耐漂零。澤畔行吟見獨醒。縱使馮唐  
淹省署。還如汲黯在朝廷。漳河雨雪檐帷黑。大  
漠風塵燧火青。憶爾時危曾抗疏。至今諸將說  
龍庭。

同張滑縣登清風樓

層樓落日倚蹉跎。明府高軒載酒過。檻外秋陰  
開大陸。簾前樹色散漳河。關門紫氣臨燕浦。風  
雨青山入晉多。我醉欲裁王粲賦。故園戎馬近  
如何。

郡閣懷王徐二比部

曉漏鳴珂謁建章。春風載酒出長楊。詞華並數  
西臺妙。握草同稱大國香。玉樹月明堪自倚。金  
莖秋色坐相望。故人爲郡逢搖落日夕。看雲憶  
帝鄉。

郡齋與吳舍人賦

漢臣春散建章宮。此地相逢嘆轉蓬。落日開樽  
漳水上。清秋擁節太行東。微官愧我潘生拙。作  
賦多君楚調工。朋好即今三署滿。故人猶滯右



扶風

送顧季狂游洛還吳

落魄看君旅食年。風塵裘馬竟誰憐。歸吳擬著  
潛夫論。入洛還携贈婦篇。少室夏雲馮檻外。大  
河秋色挂帆前。故人爲客遙相念。垂老浮名蘄  
北天。

郡城樓送明卿二首

西來山色滿城頭。東望漳河入檻流。傲吏歲時  
頻卧閣。故人風雨一登樓。亂離王粲逢多病。著

作虞卿老自愁。君到長安相問訊。誰憐五月有  
披裘。

徙倚高樓問索居。故人湖海意何如。樽中十日  
平原酒。袖裏三年薊北書。大麓夏雲當檻出。石  
門寒雨過城踈。明朝遠道空相憶。那得仍停使  
者車。

於郡樓送茂秦之京

把酒高樓眺暮春。孤城落照濁漳濱。自憐白髮  
常爲客。誰道青山不負人。西署詩名千氣象中。



原宮跡任風塵元龍未下當時傲湖海看君意  
轉親

登黃榆馬陵諸山是太行絕頂處四首

太行山色倚嶺岓絕頂清秋萬里看地拆黃河  
趨碣石天迴紫塞抱長安悲風大壑飛流折白  
日千厓落木寒向夕振衣來朔雨關門蕭瑟罷  
馮欄

西嶺秋高大陸前馬陵寒影踏遙天群峯不斷  
浮雲色絕嶂長留落日懸地險關門衝急峽山  
竒削壁挂飛泉何人更遇青泥飯有客空歌白

石篇

西來山色照邢襄北走并州擁大荒巨麓秋陰  
沙渺渺石門寒氣雨蒼蒼天邊睥睨縣句注樹  
杪飛流挂濁漳搖落故人堪極目朔風千里白  
雲翔

千峯郡閣望嵯峨此日褰帷按塞過落木悲風  
鴻雁下白雲秋色太行多山連大陸蟠三晉水  
劃中原散九河回首薊門高殺氣羽林諸將在



橫戈

答元美病中見寄并示吳舍人

短髮青春照濁醪，因君忽憶廣陵濤。  
露華遙對金莖渴，秋色驚看玉樹高。  
伏枕風塵雙白眼，絨書湖海一綈袍。  
何人更爲憐同病，楚客參差長鳳毛。

早春寄元美

薊門霜雪意何如，回首風塵見索居。  
病後五陵春草色，愁中三輔使君書。  
時名轉益潘生拙，世事能令阮籍踈。  
最好拂衣江海上，故園戎馬重躊躇。

登邢臺

郡齋西北有邢臺，落日登臨醉眼開。  
春樹萬家漳水上，白雲千載太行來。  
孤城自老風塵色，傲吏終慙岳牧才。  
便覺舊遊非浪迹，至今鴻雁薊門回。

趙州道中憶殿卿

憶爾檐帷出牧年，風塵誰識使君賢。  
政成神雀



猶堪下興盡。冥鴻遂杳然。樹色遠浮疎。雨外人  
家忽斷夕。陽前重來此。地逢寒食。何處看春不  
可憐。

真定邸中重憶殿卿

客舍題詩日已曛。當時此地重離群。青樽夜倒  
滹沱月。紫馬秋嘶大陸雲。春色那堪愁裏望。絨  
書何意病中聞。依然趨府諸年少。不見風流許  
使君。

郡城西樓

使君杯酒郡城樓。倚檻高臨落日愁。河朔浮雲  
連巨麓。太行春雪照邢州。自憐叔夜常多傲。無  
那相如故倦遊。畫省少年人所羨。風塵豈亦念  
淹留。

郡齋

金虎署中誰大名。我今出守邢州城。折腰差自  
強。人意白眼那堪無宦情。世路悠悠幾知己。風  
塵落落一狂生。春來病起少吏事。擬草玄經還  
未成。



春興

東南殺氣日相纏。重憶先朝海晏年。使者自歸沈璧馬。將軍誰起護樓船。旌旗愁動昆明色。大鉞高懸薊北天。坐使越裳來白雉。更追驕虜過燕然。

寄劉子成

書札清秋問解携。郡齋吟眺楚雲低。大夫持憲臨諸粵。使者徵兵出五溪。白日自流荒徼外。青山不盡夜郎西。于今萬里看銅柱。何意中原厭鼓鼙。

懷元美

白雲何處一開樽。山色看君滿薊門。落日蕭條迴朔氣。清秋偃蹇向中原。舊知太守齊狂士。不佞扶風漢大藩。病渴自銜金掌露。將因著賦乞文園。

懷明卿

清秋羽檄薊門城。楚客登臨短髮生。已厭風塵多病色。何妨侍從有詩名。憐才欲薦雲中守。抗



白雲樓詩集卷之六  
疏先論海上兵此日主恩深顧問還如方朔在  
西京

懷子相

薊門秋氣動鳴珂蕭瑟東南海賊過亂後人才  
掄欲盡留中啓事草如何裁詩漢署青天色伏  
枕燕山落日多豈亦念余經術淺明年投劾罷  
京河

懷子與

登高作賦大夫哉搖落江南重可哀染翰白雲  
天日出振衣秋色太湖來吳中父老紛相難海  
上樓船戰不回再入承明君莫厭薊門猶有故  
人杯

懷順甫

西曹群少舊相求載酒燕山幾壯遊綵筆馮陵  
迴落日白雲蕭瑟坐高秋風塵混合中原色江  
漢長縣萬里流自是歲星人不識于今蹭蹬守  
邢州

懷公實



白雲樓詩集卷六  
明光起草自高名。復羨梁鴻出漢京。白日顧瞻  
雙鳳闕。青春卧病五羊城。人間已見新詩滿。海  
上還聞大藥成。應笑舊時同舍客。風塵請郡愧  
平生。

送張肖甫出計閩廣二首

聞道天書出漢宮。君才博望遠相同。少年章奏  
郎官裏。大海樓船使者中。度領春陰生白瘴。及  
閩秋色暗青楓。縣知諸將平胡日。聖主先論  
轉餉功。

司農飛輓七閩開。芻粟如山百粵來。落日中原  
看倚劍。清秋大海傍登臺。三城羽檄單于過。十  
道軍儲使者迴。郎署即今多顧問。誰憐魏尚有  
邊才。

真定道中遇伯承戶曹

滹沱水合大風鳴。馬上寒雲護北征。我自朝天  
稱四嶽。君還謁帝入承明。黃金結客樽前盡。白  
髮先春雪裏生。握手不須悲物役。梅花搖落故  
園情。



白雲樓詩集卷六  
真定大悲閣

高閣峻嶒倚素秋。西山寒影挂城頭。坐來大陸  
當窗盡。不斷滹沱入檻流。下界蒼茫元氣合。諸  
天縹緲白雲愁。使君趨省無多暇。暫爾登臨作  
壯遊。

初至京與元美明卿子與分韻二首

邢州計吏入長安。春色西山雪裏看。天地容吾  
常落魄。風塵對爾一加餐。重來省署青雲隔。不  
散關門紫氣寒。握手依然無長客。可知千載和

歌難

北風吹折九河水。五馬如龍度李膺。把袂中原  
來氣色。開樽碣石倚馮陵。明堂大集周方岳。列  
郡深慙漢股肱。詞賦祇今吾黨在。將因顧眄一  
先登。

除夕元美宅

蓬萊佳氣舊霏微。把酒千門朔雪飛。繾綣綈袍  
回夜色。縱橫綵筆動春暉。何來天地愁相向。自  
信風塵意不違。漢主明朝還受計。君看五馬賜



金歸

送陳比部使閩中

西曹詞賦有陳琳。南去其如草檄心。百粵大雲  
搖海色。九峯寒雨壯秋陰。將軍盪寇功名薄。使  
者銜恩日月深。華髮總淹三輔吏。風塵何處不  
蕭森。

留別元美輩四子

華髮西來謁帝遊。風塵莫問使人愁。但看詞  
賦青雲色。不盡江河白日流。杯酒千山迴大漠。  
春花五馬入邢州。黃金愧我無經術。歸去冥鴻  
未可求。

送明卿謫江西

海上風塵未罷兵。如何嚴助厭承明。故人慘淡  
浮雲色。逐客蕭條白雪情。落日挂帆彭蠡澤。清  
秋伏枕豫章城。詩篇已側當時目。不必兼傳抗  
疏名。

將歸郡屬元美出使畿內作此爲別

西方千騎至朝宗。使者銜恩下九重。握手白雲



生鉅鹿。離心落日滿。盧龍青春上苑還。堪醉我輩中原未可逢。雄劍有神君自愛。莫令風雨暗芙蓉。

郡齋同元美賦得河字

孤城高枕日蹉跎。使者乘槎自九河。亂後故人京洛少。秋來山色郡齋多。詩名更向風塵起。傲吏還能意氣過。我亦平生難盡興。開樽無奈子猷何。

與元美登郡樓二首其一得秋字

開軒萬里坐高秋。把酒漳河正北流。自愛青山供使者。誰堪華髮滯邢州。浮雲不盡蕭條色。落日遙臨睥睨愁。上國風塵還倚劍。中原我輩更登樓。

其二得雲字

搖落高樓此對君。天涯不復有離群。銜杯大麓來秋色。倚檻邢臺過白雲。樹杪人家漳水出。城頭風雨太行分。極知今日同王粲。賦就還應鄴下聞。



與盧次楸登太伾山

河朔風塵萬里看空亭天外一馮欄夕陽忽送  
孤城色高雪遙臨白馬寒何處浮雲吞大澤于  
時紫氣滿長安我來欲著浮丘賦此地因君老  
鶻冠

於黎陽送次楸之金陵謁故陸令

蕭條杯酒對銷魂河朔諸生爾獨存書上梁王  
還寢獄賦成揚子不過門大江雨雪千帆出建  
業風流六代論雄劍自憐爲客意左驂寧負主

人恩

懷慶道中雪

飛雪長驅使者車太行愁色滿天涯虛傳梁苑  
平臺賦真作河陽一縣花流影風前迎劍氣寒  
光樹杪澹人家問津明日知何處千里西來有  
漢槎

崆峒二首

風塵問道欲如何二月崆峒覽勝過  
返照自縣  
疏隴樹浮雲忽斷出涇河長城雪色當峯盡大



漢春陰入塞多已負清尊尋窈窕還將孤劍倚  
嵯峨

誰道崆峒不壯遊香鑪春雪照涼州浮雲半插  
孤峯色落日長窺大壑愁萬乘東還靈氣歇諸  
天西盡濁涇流蕭關祇在藤蘿外客子風塵自  
白頭

平涼

春色蕭條白日斜平涼西北見天涯唯餘青草  
王孫路不屬朱門帝子家死馬如雲開漢苑秦  
兵二月走胡沙欲投萬里封侯筆愧我談經鬢  
有華

寄元美四首

風塵萬里一蕭然病起相思到各天忽見南山  
青草色還成北海白雲篇登樓何處逢多暇開  
府于今實少集不是漢庭容汲黯如君意氣好  
誰憐

聞君雨雪到青州春盡鴻書未可求莫問彈冠  
千載事徒令把袂故人愁浮雲萬里中原色落



白雲樓詩集卷六  
日孤城大海流。自昔風塵驅傲吏。還能伏枕向  
清秋。

紫塞春風散羽書。使君高枕見離居。人間不識  
胡名馬。門下猶傳海大魚。開府少陽還氣色。登  
臺東嶽復何如。遙知醉後吳歌發。落日蕭條薄  
望諸。

不盡青山帶落暉。美人何處送將歸。城邊澠水  
寒如酒。馬上浮雲曳作衣。春到他鄉還健食。時  
危薄宦豈雄飛。自從二子中原別。回首風塵萬

事違

上郡二首

高城窈窕四山開。西北浮雲睥睨迴。鼓角疑從  
天上落。輶車真自日邊來。防胡尚借秦人策。射  
石猶傳漢吏才。聞道朝廷思猛士。羽書飛過赫  
連臺。

叱馭何來絕塞遊。獨看山色向新秋。人家漸出  
層崖樹。客路高盤斷壑流。朔氣忽隨風雨至。孤  
城長傍夕陽愁。五原子弟輕烽火。馬上談經半



白頭

元美望海見寄

白雲東望十洲開，苦憶玄虛作賦才。  
大壑秋陰生蜃氣，扶桑日色照樓臺。  
波濤漢使乘槎過，風雨秦王策石來。  
縱有三山何可到，不如相見且銜杯。

酬順甫見寄

仙郎春思滿漳河，天上雙魚寄楚歌。  
自隔青雲知己盡，誰言白雪和人多。  
山城薄曙輶車發，幕府先秋羽檄過。  
磬折路傍君不見，漆園爲吏傲如何。

杪秋登太華山絕頂四首

華頂峯荒四望開，正逢蕭瑟氣悲哉。  
黃河忽墮三峯下，秋色遙從萬里來。  
北極風塵還郡國，中原日月自樓臺。  
君王儻問仙人掌，願上芙蓉露一杯。

縹緲真探白帝宮，二峯此日爲誰雄。  
蒼龍半挂秦川雨，石馬長嘶漢苑風。  
地敞中原秋色盡，天



開萬里夕陽空。平生突兀看人意。容爾深知造  
化功。

太華高臨萬里看。中原秋色更漫漫。振衣瀑布  
青雲濕。倚劍明星白日寒。東走峯陰搖砥柱。西  
來紫氣屬長安。自憐綵筆驚人在。只尺天門謁  
帝難。

徙倚三峯峯上頭。蕭條萬里見高秋。蓮花直撲  
青天色。玉女常含白雪愁。樹杪雲霾沙漠氣。巖  
前日暈漢江流。停杯一嘯千年事。不擬人間說

壯遊

人日荅汝思

濁酒初開栢葉新。醉來高枕任風塵。十年關塞  
愁中客。此日江湖病裏人。青鏡欲催潘鬢改。綵  
花空翦漢宮春。即今萬事抽簪外。唯有浮雲傍  
角巾。

再寄元美二首

黃金臺館鬱蒼蒼。遊子高秋總斷腸。萬里浮雲  
生渤海。千山朔氣壓漁陽。風塵不老江湖色。官



白雲樓詩集卷六  
三十四  
闕新縣日月光安得與君燕市裏和歌長在酒  
人傍

中丞濼海罷登壇公子紅顏復挂冠自有綈袍  
憐范叔誰從長鉞見馮驩上書北闕風雲壯  
灑淚西山雨雪寒憔悴儘堪知國士相逢應作  
少年看

寄汝思

高秋諸將欲橫行薊北先開細柳營萬里旌旗  
連殺氣千山鼓角動邊聲指揮士馬中原合談  
笑風塵瀚海清此日漢軍俱望幸滿朝應重亞  
夫名

送歷城李明府入計

春生仙令鸚鵡袍風雪塞帷擁佩刀忽憶鳴珂  
雙闕迥翻然飛鳥五雲高朝堂不改燕山色計  
吏寧分漢主勞爲政只今多異蹟須知帝力  
到秋毫

題少方伯徐公明月軒三首

傲吏高齋海岱開長留明月照池臺白雲湖上



秋何處。鴻雁樽前客自來。寒色玉壺堪徙倚。流光翠髮與徘徊。西園諸子俱能賦。獨讓應徐鄴下才。

應憐明月滿長安。永夜馮軒萬里看。秋水乍疑湖外合。白雲猶似署中寒。繞枝烏鵲星霜色。一曲關山道路難。此興庾公曾不淺。南樓叅佐幾人歡。

湖上風流畫省新。堪多明月少紅塵。長懸素魄銜金鏡。不減清光抱玉人。當戶雲生屏自倚。拂牀星動劍相親。看君如在揚雄宅。擲管玄經合有神。

送俞按察之湖廣二首

檐帷十載使君東。開府還當楚地雄。江漢日高天子氣。樓臺秋敞大王風。重瞻執法臨台象。自許論文見國工。有客儻能鸚鵡賦。莫令才子嘆漂蓬。

攬轡江湖萬里清。使君三楚舊知名。陽春不是尋常調。明月堪償十五城。行省重臣推掌憲。中



原多事盛談兵。遙憐佐吏耽秋色。不淺南樓庾亮情。

送張直卿再遷三楚叅政

誰言才子竟漂零。十載功名滿漢庭。前後兩曹推起草風流百粵。讓談經重來方岳。分荆楚。此去江湖識歲星。明主賜環今日事。武昌楊柳幾回青。

元美以吳紗見惠作此謝之

西施浣紗江水中。下機便入吳王宮。憶昔紅顏銷白雪。凄然素手弄秋風。新裁薜荔忽無色。更集芙蓉應未工。知君贈我視縞帶。願言不忘披裘翁。

除夕

夜色蕭條雪滿庭。唯應濁酒見漂零。關門忽散真人氣。滄海還高處士星。一自倦游拚謝客。遂因移疾罷傳經。春風明日長安道。依舊王孫草又青。

答寄華從龍戶曹



起草當年漢署才。毗陵尺素爲誰來。山中鴻雁  
三秋色。江上浮雲萬里臺。總是風塵淹伏枕。空  
將日月老銜杯。清時仲蔚非無意。謝客蓬蒿更  
不開。

神通寺

相傳精舍朗公開。千載金牛去不迴。初地花間  
藏洞壑。諸天樹杪出樓臺。月高清梵西峯落。霜  
淨疎鐘下界來。豈謂投簪能避俗。將因臥病白  
雲隈。

贈符臺卿李伯承出使東藩二首

漢宮春色照蘭臺。符節分曹右掖開。司馬長卿  
詞客幸。東方曼倩侍臣才。海濱城闕浮槎下。天  
上風雲擁傳來。無那故人常伏枕。論詩還爲一  
銜杯。

春風紫禁日朝天。帝寵東藩奉使年。直省月  
臨三殿出。輶車星度九河縣。綈袍忽動青雲色。  
華髮逾驚白雪篇。莫道故人霄漢少。如君侍從  
總堪憐。



白雲樓詩集卷六  
寄贈漢陽楊明府

方城仙令日爲群。各把銅章百里分。江漢至今稱楚望。風流何必減諸君。東臨黃鶴飛雙鳥。西接蘭臺見五雲。早晚主恩誇羽獵。蒲朝誰不薦雄文。

贈李明府暫詣廣川奉送 景王之國

帝寵親王出牧年。逢迎東道借才賢。郎官舊列星辰上。朱邸新開日月邊。千乘旌旗分羽衛。九河春色護樓船。知君不廢鳴琴興。應教還操桂

樹篇

和李明府春日馳戀庭闈之作

百里弦歌大岱東。美人爲政復誰同。河陽縣裏花常滿。北海樽中酒不空。製錦還看成麗句。裁斑忽憶舞春風。何妨問寢馮雙鳥。擬送王喬入漢宮。

殷太史正甫至自太山爲贈

明堂天子昔登壇。御道風流擁漢宮。海色迥臨三觀動。春陰不散五松寒。白雲忽向封中出。玉



白雲樓詩集卷六  
牒誰從篋裏看。此日滿朝求禪草。相如早晚入  
長安。

又作此問正甫

上宮春色自何年。阿閣神房幾洞天。囊裏定攜  
三秀草。懷中曾擬四愁篇。射牛漢蹟今猶在。繫  
馬吳門似杳然。七十二家論祀典。還朝可奏聖  
人前。

送吳峻伯之楚

才子風流滿禁林。傳經海岱主恩深。諸生自

紀銜魚事千里。誰知相馬心。王氣日隨江漢轉。  
方城春壓洞庭陰。憐君宦跡偏形勝。四十叅藩  
豈滯淫。

送朱大中丞召拜少司空還朝二首

執憲登臺海岱東。銜恩入拜少司空。長安近指  
迴車日。閭闔遙分曳履風。北斗秋高玄武署。五  
雲春滿建章宮。縣知魚藻歡無極。漢主從容問  
畫熊。

○八月仙槎海上行。司空謁帝鳳凰城。漢庭經術



白雲樓詩集卷六  
還高第。畫省風流自列卿。視草星辰堪動色。按  
章朝野盡知名。况逢麟閣多賢日。非復當年折  
檻情。

送崔中甫入對

才子乘春集帝京。燕山宮闕五雲生。按圖自動  
千金色。射策還高片玉名。清問從容天下事。朝  
廷經畧海方兵。一時得意諸年少。莫學終軍浪  
請纓。

酬朝城張明府和御史中丞蘇丈秋興見

寄

聞君爲縣武城傍。花裏絃歌不下堂。佳政日來  
多薦疏。美名年少滿詞場。揮毫色動郎官宿。拓  
簡光搖御史霜。千載竝傳秋興賦。可知潘令在  
河陽。

送劉侍御歸臺四首

使者乘秋入建章。曉排闥闥侍君王。繡衣忽動  
雲霄色。白簡猶含海岱光。自許風霜知列柏。還  
將諷諫托長楊。大東杼柚看如此。况復徵兵事



朔方

才子高名八使中，登車千里競稱雄。  
西臺入奏聞天語，東海陳詩見國風。  
伏柱久推三楚駿，還朝爭識五花驄。  
極知未盡澄清意，獻納猶堪寵漢宮。

蘭臺使者出長安，風俗三齊攬轡看。  
今日殿中玄武仗，須君柱後惠文冠。  
彈章氣借山河壯，執法秋臨節鉞寒。  
儻值東封陪扈從，舊游偏奉六龍歡。

繡斧東來按部年，一時風裁萬人傳。  
烏臺高傍黃圖起，青橐遙依紫極懸。  
三殿直聲推許國，九河秋色送朝天。  
正逢宣室齋居日，羨爾持書捧御筵。

送謝中丞還蜀二首

微垣法象切三台，御史中丞憲府開。  
參執廟堂刀筆吏，兼提郡國羽林材。  
煙塵部索臨東夏，節鉞朝恩壓外臺。  
直擬賊平荅明詔，誰知授杼自天來。



元戎幕府檄書成，枹鼓春風遂不鳴。  
東觀齊名推李杜，西臺獨坐見澄清。  
君王更寢中山篋，談笑堪銷渤海兵。  
暫去恐非高卧日，佇看安石起蒼生。

送馮汝言學憲之浙江二首

使者清秋擁漢槎，五雲回首望京華。  
傳經南國推高第，執憲中朝屬世家。  
紫氣欲臨滄海日，綵毫先動赤城霞。  
還披絳帳延諸少，爲報西施刺浣紗。

儒臣奉詔外臺居，况復揚波海晏如。  
門下美才收竹箭，卧中高士羨桐廬。  
山川半入吳都賦，風俗兼傳越地書。  
始信工文官自達，主恩垂老不曾踈。

羅山甫自晉徂齊，見困鹽官暫詣京師。  
携家南還，遂有此贈。

十載青雲跡漸踈，風塵作客意何如。  
服車垂老偏知驥，彈鋏從工不爲魚。  
游子千金堪買賦，佳人五色漫裁書。  
江南薊北俱搖落，那得樽前憶



故廬

重送山甫

短髮蕭蕭日影孤，清秋行色又皇都。  
百錢杖底猶懸否，片刺懷中好在無。  
老去它鄉惟藥物，愁來佳句滿江湖。  
只言倒屣尋常事，不是燕山舊酒徒。

送何少愚戶曹之金陵

江上層臺繞鳳凰，石城秋色正蒼蒼。  
黃金不厭東南氣，紫闕猶懸日月光。  
帝謂何郎終傳粉

人傳荀令本含香，即今起草從容處。  
轉餉風流海一方。

春夜許使君集送江生過謁李伯華太常  
江善鼓琴，因句及之。

君家綵筆美名齊，客裏瑤琴重解携。  
抱膝自高梁甫調，絕絃空老雍門啼。  
冰開華館三魚集，月出春城五馬嘶。  
近報太常深作事，相逢應共醉如泥。

送方山人



紅顏裘馬客京華十載春風上苑花忽爾壯懷  
生海嶽。愴然清興滿煙霞。已拚白髮投詞社肯  
惜黃金盡酒家。最是子雲其寂寞也。因奇字識  
侯芭。

送許右史之京二首

春林鞞鞞鳥嚶嚶。花裏開樽送友生。華髮我堪  
雙別淚。綈袍君自一交情。白雲欲贈湖中色。紫  
氣遙臨海上城。明日已拚車馬絕。不妨書札報  
柴荆。

少年車馬日紛紛。老去誰應更識君。酒態美如  
嵇叔夜。詩才清似沈休文。曳裾忽動梁園雪。飛  
蓋兼停鄴下雲。試向樽前看過雁。春風那不念  
離群。

夏日襲生過鮑山樓

長白山人本種田。談經半住嵒湖邊。携來滿甕  
春城酒。乞得諸生月俸錢。倚檻四高滄海氣。銜  
杯一望縉雲天。尋常雞黍休嫌薄。不淺交情二  
十年。



過吳子玉函山草堂

玉函山色草堂偏。恰有幽人擁膝眠。樹杪徑迴  
千澗合。窻中天。盡四峯連。綠陰欲滿。桑蚕月白。  
首重論竹馬年。就此一樽無不可。因君已辦阮  
家錢。

酬張轉運龍洞山之作

春山遙上翠微連。忽出藤蘿一徑懸。削壁雲霞  
開五色。中峯日月隱諸天。浮漚竝結金龕麗。飛  
竇雙銜石甕圓。莫怪驪珠君已得。寒湫元自有

龍眠

與轉運諸公登萃不注絕頂

中天紫氣抱香鑪。復道金輿落帝都。二水遙分  
清渚下。一峯深注白雲孤。岱宗風雨通來往。海  
色樓臺入有無。不是登高能賦客。誰堪灑酒向  
平蕪。

魏使君過宿鮑山山樓分賦

層樓風雨一登臨。把酒重論十載心。楚客豈須  
疑白壁。鮑山堪自見黃金。褰帷上國風雲滿。伏



枕中原日月深忽憶明光曾共被那知萍梗到  
于今

使君重過山樓分賦得空字

使君千騎又從東此日登樓作賦雄樹杪平湖  
元在地簷前疊嶂半浮空煙霞色借雙轡動牛  
斗光搖一劍通自入鹿門常謝客誰能濁酒過

龐公

和魏使君扶侍游太山

中天詆蕩敞天門上帝樓臺拱帝孫五馬竝臨

吳觀重諸峯獨讓丈人尊秦松忽借蒼顏駐海  
日遙銜紫氣屯可道黃河看似帶須知西北是  
崑崙

李伯承謫亳州

十載風流寵漢庭一時才子見漂零便從天上  
來真氣縱落人間亦客星肯惜楊春迴綠綺自  
愁明月按青萍江湖我輩看猶在差可扁舟問  
獨醒

得元美兄弟書



○  
愛弟何因興太豪。逾令四海羨吾曹。金莖並擢  
青雲秀。玉樹雙銜白雪高。江上錦翰排藻疏。吳  
門練影散綈袍。知君難作池塘夢。春色看人引  
濁醪。

荅元美

闔閭城上有高臺。海色蕭條對酒杯。千里驂騑  
堪自老。孤飛鴻鵠一何哀。秋風忽傍扁舟起。明  
月遙含尺素來。白雪驚人操不得。因君此曲暫  
徘徊。

荅王敬美進士

江左風流迥自分。中間小陸更能文。五花欲就  
龍爲友。千里高飛鵠不群。亂去東南無王氣。愁  
來西北有浮雲。只今年少稱才子。屈指詞林已  
到君。

謝魏使君題白雪樓

白雪新題照畫闌。鮑山堪此對盤桓。楚宮一送  
江天色。郢曲長飛海氣寒。繞夜朱絃清自語。凌  
雲綵筆老相看。使君不是元同調。千載陽春和



者難

寄右史

聞君天上聽吹噓  
薊北春風滿素書  
東壁儻難分末照  
何門不可曳長裾  
即看授散官逾穩  
莫笑憐才術太踈  
諸子當時堪自見  
于今意氣有誰如

寄汝南徐使君

美人爲政有輝光  
太守能名讓汝陽  
此日單車俄罷郡  
青春五馬暫還鄉  
君才堪自風波老  
上意元從雨露長  
篋裏謗書休苦問  
恐令年少識行藏

吳使君自建寧移邵武

十載徘徊侍從群  
銅符更向七閩分  
且疑落魄終遷客  
也自風流一使君  
五馬忽驚龍渚氣  
雙轡猶畫幔亭雲  
已知才子官難起  
無那吳郎雅好文

南樓

南樓暇日坐崢嶸  
白髮從他望裏生  
海近雲霞



白雲樓詩集卷六  
常繞戶山迴風雨動連城絲毫一散中原色濁  
酒偏含我輩情千載陽春湏此調少年休說是  
虛名

白雪樓

伏枕空林積雨開旋因起色一登臺大清河抱  
孤城轉長白山邀返照迴無那嵇生成嬾慢可  
知陶令賦歸來何人定解浮雲意片影漂搖落  
酒杯

杪秋同右史南山眺望二首

青樽何處不蹉跎白髮相看一醉歌坐久鏡中  
縣片萃望來城上出雙河杉松半壁浮雲滿砧  
杵千家落照多縱使平臺秋更好故人猶恐未  
同過

回首飛鴻碣石標清霜處處錦林凋層巖倒映  
平湖淨積翠斜連粉堞遙四海交游空老大一  
時賓客更蕭條病來苦愛觀濤賦不分梁園此  
見招



同慶

平既事歸年餘...

回首...

...

同慶

...

...

...





